

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **ZAKLJUČAK**

**odbacuje se Prijava namjere koncentracije privrednog subjekta "Onex Corporation",  
Kanada, radi nepostojanja obaveze prijave koncentracije**

**Sarajevo  
april 2007. godine**



Broj: 01-06-26-004-16-II/07  
Sarajevo: 25.04.2007. godine

Na osnovu člana 42. tačka g) Zakona o konkurenciji ("Službeni glasnik BiH", broj 48/05) a u vezi sa članom 14. Zakona o konkurenciji, i člana 116. stav (2) Zakona o upravnom postupku ("Službeni glasnik BiH", broj 29/02), po Prijavi namjere koncentracije podnesenoj od strane privrednog subjekta "Onex Corporation" 161 Bay Street, PO Box 700, Toronto M5J 2SJ, Kanada, zastupanog po advokatu Marić Branku, Mehmeda Spahe 24, 71000 Sarajevo, zaprimljenoj dana 18.01.2007. godine pod brojem 01-06-26-004-II/07, Konkurencijsko vijeće na 45. (četrdesetpetoj) sjednici, održanoj dana 25.04.2007. godine, je donijelo

### **Z A K L J U Č A K**

Odbacuje se Prijava namjere koncentracije privrednog subjekta "Onex Corporation" Toronto, Kanada, radi nepostojanja obaveze prijave predmetne koncentracije, u smislu odredbi Zakona o konkurenciji.

### **O B R A Z L O Ž E N J E**

Konkurencijsko vijeće, dana 18.01.2007. godine pod brojem 01-06-26-004-II/07, je zaprimilo Prijavu namjere koncentracije, preko ovlaštenog zastupnika Branka Marića, Mehmeda Spahe 24, 71000 Sarajevo, privrednog subjekta "Onex Corporation" 161 Bay Street, PO Box 700, Toronto M5J 2SJ, Kanada (u daljem tekstu: "Onex Corporation" ili podnosilac Prijave), kojom namjerava izvršiti pripajanje dijela privrednog subjekta "Eastman Kodak Company" New Jersey - USA, (u daljem tekstu: "Eastman Kodak Company") organizacione jedinice "Eastman Kodak Health Group" 343 State Street, Rochester, New York 14650 USA (u daljem tekstu: "Eastman Kodak Health Group").

Pripajanje bi se izvršilo preko subsidijarnog društva podnosioca Prijave, privrednog subjekta "Onex Healthcare Holdings, Inc." Delaware, USA, (u daljem tekstu: "Onex Healthcare Holdings") koji je u međuvremenu promjenio ime u privredni subjekt "Carestream Health, Inc." (u daljem tekstu: "Carestream Health")

Uz Prijavu namjere koncentracije (u daljem tekstu: Prijava) je dostavljena potvrda broj 5419841 od dana 08.02.2007. godine, izdata od nadležnog organa države Delaware – USA u kojoj, između ostalog, se potvrđuje promjena imena privrednog subjekta "Onex Healthcare Holdings" u privredni subjekt "Carestream Health".

Konkurencijsko vijeće uvidom u Prijavu je utvrdilo da ista nije potpuna, te od podnosioca Prijave je zatražilo dopunu, jer nisu dostavljeni finansijski izvještaji učesnika koncentracije za 2006. godinu, u smislu člana 30. stav (1) pod b) Zakona o konkurenciji (u daljem tekstu: Zakon).

Konkurencijsko vijeće je izdalo podnosiocu Prijave Potvrdu o kompletnoj i urednoj Prijavi, u smislu člana 30. stav (3) Zakona, dana 05.04.2007. godine pod brojem: 01-06-26-004-12-II/07.

Konkurencijsko vijeće je na osnovu podataka iz dostavljene dokumentacije uz Prijavu izvršilo analizu i konstatovalo sljedeće:

Prijava je podnesena u zakonom propisanom roku, u smislu člana 16. stav (1) Zakona i člana 3. Odluke o načinu podnošenja prijave i kriterijuma za ocjenu koncentracija privrednih subjekata ("Službeni glasnik BiH", broj 95/06).

Pravni osnov predmetne koncentracije je Ugovor o kupovini (Asset Purchase Agreement), zaključen dana 09.01.2007. godine, između privrednog subjekta "Eastman Kodak Company" i privrednog subjekta "Onex Healthcare Holdings".

Pravni oblik koncentracije, u skladu sa članom 12. stav (1) tačka a) Zakona, predstavlja pripajanje organizacione jedinice privrednog subjekta "Eastman Kodak Company" (pod nazivom "Eastman Kodak Health Group") privrednom subjektu Onex Corporation" odnosno njegovom subsidijarnom privrednom subjektu "Onex Healthcare Holdings". Navedenim pripajanjem privredni subjekt "Onex Healthcare Holdings" postaće 100,0% vlasnik "Eastman Kodak Health Group".

Privredni subjekt "Onex Corporation" se bavi preuzimanjem, upravljanjem i prodajom preduzeća ili dijelova preduzeća. Ukupan godišnji prihod privrednog subjekta "Onex Corporation" na svjetskom tržištu u 2006. godini je iznosio (.)\*\*<sup>1</sup> KM (.)\*\*CAD).

Privredni subjekt "Onex Corporation" nije registrovan i nema subsidijarnih privrednih društava u Bosni i Hercegovini, niti ostvaruje prihode prodajom roba i/ili usluga na tržištu Bosne i Hercegovine.

Predmetnom koncentracijom privredni subjekt "Onex Healthcare Holdings" (odnosno privredni subjekt "Carestream Health"), subsidijarno društvo privrednog subjekta "Onex Corporation", pruzima privredni subjekt "Eastman Kodak Health Group".

Privredni subjekt "Eastman Kodak Health Group" je organizaciona jedinica privrednom subjektu "Eastman Kodak Company", koja djeluje u segmentu medicinskog, stomatološkog i molekularnog poslovanja ("MIS" poslovanje). Aktivnosti privrednog subjekta "Eastman Kodak Health Group" u Bosni i Hercegovini se odnose na prodaju proizvoda iz segmenta medicinskog i stomatološkog poslovanja.

Privredni subjekt "Eastman Kodak Company" nije registrovan, niti ima subsidijarnih društava u Bosni i Hercegovini. Privredni subjekt "Eastman Kodak Health Group" (subsidijarni privredni subjekat "Eastman Kodak Company") prodaje svoje proizvode na cijeloj teritoriji Bosne i Hercegovine preko nezavisnog distributera "Medicom" d.o.o. Bijeljina.

Ukupan godišnji prihod privrednog subjekta "Eastman Kodak Company" na svjetskom tržištu za 2006. godinu je iznosio (.)\*\*KM (.)\*\*USD. Ukupan godišnji prihod privrednog subjekta "Eastman Kodak Health Group" ostvarenog prodajom proizvoda na tržištu Bosne i Hercegovine u 2006. godini je iznosio 626.638,00 KM (435.000,00 USD).

Nakon izvršene analize Konkurencijsko vijeće je utvrdilo da predmetna Prijava privrednog subjekta "Onex Corporation", ne podliježe obavezi podnošenja prijave namjere koncentracije, jer nisu ispunjeni uslovi propisani članom 14. stav (1) Zakona.

Iz navedenih razloga Konkurencijsko vijeće je odlučilo kao u dispozitivu ovog Zaključka.

---

<sup>1</sup> (.)\*\* - Podaci predstavljaju poslovnu tajnu

### **Administrativna taksa**

Na ovaj Zaključak podnosilac Prijave, u skladu sa članom 2. tarifni broj 108. stav 1. pod c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

### **Pouka o pravnom lijeku**

Protiv ovog Zaključka nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 (trideset) dana od dana prijema ovog Zaključka, odnosno od dana njegovog objavljivanja u «Službenom glasniku BiH».

Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

**Predsjednik**

**Gordan Raspudić**